

Ringkasan Syarahan Sabtu Malam^[1]

Bersama

Tan Sri Professor Dr. Syed Muhammad Naquib al-Attas

“Faham Bangsa dan Kebangsaan”

Oleh

Mukhlis Nugraha

Pada tarikh 28 September 2013 lalu, Tan Sri Professor Dr. Syed Muhammad Naquib al-Attas meneruskan kembali syarahannya daripada Saturday Night Lecture dua pekan lepas (14 September 2013) yang bertempat di Universiti Teknologi Malaysia mengenai faham Bangsa dan Kebangsaan (Nation and Nationhood) dan hubungkaitnya antara Bahasa Melayu sebagai penyatuan bangsa Melayu ini.^[2]



Beliau memulai syarahannya dengan menghuraikan mengapa Bahasa Melayu mesti menjadi bahasa Nasional? Menurutnya, dalam sejarah kita, Bahasa Melayu telah menjadi bahasa pengantar di kepulauan Melayu ini, yang mencapai kecermerlangannya

kerana pengaruh kedatangan Islām. Islām telah mengislamkan Bahasa Melayu sebagai bahasa Islām dalam hal penyebarannya di tanah Melayu ini. Dengan demikian, beliau sangat mengkritik pada sebahagian puak-puak yang tidak menyetujui bahkan ada upaya menyingkirkan bahasa Melayu sebagai bahasa Nasional.

Para ahli Politik masa itu hanya membincangkan perkara ekonomi, sosial, dan politik, namun tidak membahas perkara budaya dan perkara ethical. Selanjutnya, mereka tidak menjelaskan perkara, mengapa Bahasa Melayu harus menjadi Bahasa Nasional. Para ahli politik waktu itu mengkritik ide yang ditawarkan Prof. al-Attas hanya teori filsafat metafizik belaka, bukan *real*. Termasuk pula Singapura, pada hari ini mereka tidak akan berbicara tentang Melayu sebagai asal usul mereka, bahkan mereka ingin menghapuskannya.



Seterusnya, Prof. al-Attas memberikan sebuah pertanyaan, apa yang kita fahami tentang bangsa? Seluruh bangsa di dunia hari ini mempunyai proses untuk menjadi sebuah bangsa. Dari sekumpulan kelompok yang kecil menjadi sebuah bangsa yang besar. Ialah daripada Nabi Ibrāhīm, seterusnya anaknya Nabi Ismā‘īl ‘Alayh al-Salām dan Nabi Ishāk ‘Alayh al-Salām. Mereka ini adalah orang-orang terdahulu dan dari keturunan mereka maka lahirlah suatu bangsa yang besar seperti Mesir, Mesopotamia atau yang kita kenal hari ini pada kawasan Iraq dan juga Syiria. Mereka semua adalah bangsa.

Sebagaimana Syarahan Prof. al-Attas dua pekan lalu mengenai *sentiment of solidarity*^[3] bahawa *sentiment of solidarity* ialah saling kebersamaan untuk menjadi bangsa yang satu. Bahasa juga merupakan bahagian dari Agama, kerana bahasa itu sebagai alat komunikasi dalam penyampaian Agama, seperti dalam hal menjelaskan tentang teologi, metafizik dan *the nature of god*.

Pada tahun 1957, beliau telah memberikan kontribusi yang sangat penting terhadap bahasa Melayu sebagai Bahasa Nasional. Pada masa itu beliau mempertahankan bahasa Melayu dari upaya ahli politik yang ingin menghilangkan Bahasa Melayu sebagai Bahasa Nasional. Selanjutnya usaha untuk mempertahankan Bahasa Melayu ini Prof. al-Attas telah membuktikan pada saat beliau menjabat sebagai Dekan Fakultas Sastera Universiti Malaysia kerana Universiti masa itu kurang peduli terhadap bahasa Melayu sebagai bahasa pengantar yang dapat meningkatkan rasa kesatuan kebangsaan di kalangan berbagai ras.



Pada tahun 1956, telah ada perbincangan mengenai perubahan Jawi ke Latin oleh Dewan Bahasa dan Pustaka. Ketika Prof. al-Attas pulang dari United Kingdom, beliau membahaskan perkara perubahan tulisan Jawi ini. Prof. al-Attas mengatakan sangat pentingnya script Jawi ini, jika dilupakan maka itu akan berimpak pada agama, faktanya hari ini itu terjadi.

Seterusnya, Bahasa Indonesia dari Bahasa Melayu pula, hanya sahaja mereka memanggilnya dengan Bahasa Indonesia. Setelah Alam Melayu menjadi Islām, semua Alam Melayu menggunakan Bahasa Melayu. Sama pula dengan negara Filipina, mereka menggunakan Bahasa Melayu, bahkan ketika khutbah Jum'at mereka menggunakan script Jawi, namun ketika spanyol datang ini merubah segalanya.



Seterusnya mengenai *Islamic Language*, seperti kata ilmu dan adil untuk meyebutkan beberapa contoh yang digunakan oleh berbagai bangsa Muslim seperti, Turki, Urdu, Cina Muslim, India Muslim, termasuk juga alam Melayu. Inilah yang Prof. al-Attas sebut dengan *Islamized language*. Pertama, kata ilmu, maknanya sama dalam berbagai bahasa yang digunakan umat Islām, namun hari ini kata *ilmu* ini menjadi keliru iaitu diartikan ilmu pengetahuan. Padahal makna Ilmu di sini lebih tepatnya ialah ilmu pengenalan bukan ilmu Pengetahuan, karena kenal lebih dalam daripada pengetahuan. Sebab, orang tahu belum tentu ia kenal. Apabila diterjemahkan ke dalam bahasa Inggeris, ilmu pengetahuan ialah *science*, sedangkan ilmu pengenalan ialah *knowledge*. Kedua kata *wujud* atau *adab* bermakna sesuatu itu ada di tempat atau waktu (*something that exist at space and time*). Kerana itu, dalam bahasa melayu tua, mereka telah menggunakan ini. bahkan juga mereka menggunakan kata wujud yang menjadi sifat daripada Tuhan itu sendiri.

[1] Syarahan ini diorganisir oleh Pusat Kajian Tinggi Islam, Sains dan Peradaban (CASIS-UTM). Syarahan ini ialah seri yang ke-tiga pada minggu yang ke-dua tahun 2013.

[2] Untuk lebih mengetahui syarahan Prof. Dr. Syed Muhammad Naquib al-Attas dua pekan lepas (14 September 2013) sila lihat ringkasannya di (<http://www.utm.my/casis/saturday-night-lecture/the-malay-language-and-its-role-in-nation-building-summary-of-saturday-night-lecture-3rd-series-14th-sept-2013/>) oleh Hasanul Arifin Zawawi seorang kandidat Master di CASIS

[3] Mengenai *sentiment of solidarity* sila (<http://www.utm.my/casis/saturday-night-lecture/the-malay-language-and-its-role-in-nation-building-summary-of-saturday-night-lecture-3rd-series-14th-sept-2013/>)

